



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Jovis quartâ mensis
Martii, anno Domini M. DCC. XLV.*

M. JOANNE-FRANCISCO COUTHIER,
Doctore Medico, Præsîde,

M. ANDRÆ-JOSEPHI SERON,
Doctoris Medici, vices gerente.

An aer & victus Gandavensis, Parisiensibus ?

I.



IVENDI diù & salubriter, conservatrix hygieine, medendi
artis & scientiæ pars non infima, tradit præcepta. Munus sanè bene-
ficum præstat. Si prophylactica Medicina ab ea quæ tota in mor-
borum curâ occupatur separari posset, palmam *Hygiæsticus* jure tol-
leret Medicus: potior est hic qui aëris, ciborum & potuum exqui-
sito selectu, immunem à morbis vivendi rationem sufficit, quam
ille qui ingratorum & nauseabundorum medicaminum auxilio præsentibus ægri-
tudinibus occurrit. Juxtâ temperamentorum naturam ex solidi & fluidi habitu
dirigi debet sanorum victus: ne tamen ab ægrotantium diætâ multum disfidere,
credas? Ut in statu sano conservetur & lapsum restauretur vivens humanum cor-

pus, eadem ejus naturalis fabricæ cognitio necessaria est, fibræ motricis & liquorum varii modi, functionumque mechanisumus percipiendi sunt & intelligendi; & ex recto harum rerum ordine jubetur victus; ex inverso, dicta imperatur. In infirmorum diætâ, à sanorum victu, nomine magis quam re diversâ, innumera restituendæ sanitatis exstant adminicula. Nonne sagacitas, gloriaque major, auxiliis è rerum non naturalium sinu depromptis morbos debellare & à telis inter chymicorum ignes exacuatis, aut è Galenico armamentario eductis medicaminibus miseros ægrotantes vindicare, quæ liquorum crasim diruendo & solidorum diathesim potenter concutiendo, nocumenti nonnihil inferunt. Medicamentorum farraginem pelle & ejice. Acris, alimentorum, potuum, & aliarum rerum non naturalium optione, permultos præcavebis morbos & curabis. Ne tamen esse in animo cogites, de medicamentorum necessitate quidquam detrachere? Ipsis infusa est cœlestis virtus. Morborum causæ ita inhærentes, implicitæ, & tenaces sunt aliquando, ut absque potentiori pharmaceuticâ suppellectili disturbari nequeant. Hæc dicta sunt ut quisque intelligat, quantum uniuscujusque aëris, alimenti & potus notitia Medico expedit ut plurimos antevertat morbos, multos depellat.

I. I.

NON multum sanè profeceris, si aëris temperiem, alimentorum indolem, potuumque unius regionis consecutus fueris. Non omnem movisti lapidem, dum temperamenta, eorumque varios habitus non dignoveris: ex eorum enim scientiâ, & accuratâ distinctione, justam proportionem, legitimamque aëris & victus convenientiam Medicus æstimat. At tanta aëri vis in alimentis, potibus, & temperamentis inest, ut ad eorum indolem & constitutionem plurimum conferat. Totum terræ tractum ambit aër, non idem in omnibus regionibus, in unâquaque suas vices patitur, singulisque tempestatibus mutatur. Sic humidus, siccus, frigidus, & calidus est. Nativâ locorum perversitate alterationes quandoque maximè noxias contrahit. Paludosi, minerales, salini vapores, arsenicales, sulphurei eum inficiunt; in ejusque elasticarum partium interstitia sese insinuant miasmata delæteria: undè licet quoad simplices partes elementares ex naturâ suâ non sit noxius, diversa tamen est ejus conditio & actio contentorum respectu. Heterogeneis aquarum stagnantium, aut mineralium, & sulphurum miasmatis onustus & gravis aër, nerveam, membranaceamque pulmonum substantiam pungit, vellicat, & irritat. Asperè tactis, nervosi plexus thoracici, paris vagi & intercostalis ramis, omnis ferme animalis subvertitur œconomia. Corporis habitum suâ gravitate nimis comprimendo, vel deficiente ex nimia levitate, pressionis momento, lædit: expanditur enim sanguis ultrâ modum, aut coarctatur, & cum externo aëre non fit *æquilibris*. Ab aëre eandem imbibunt labem animalia & plantæ. Spirant animalia quæque, suis quoque trachæis spirant plantæ: in abditiora plantarum gliscit aër, cum succo terræ alimentario ad arborum, plantarumque intima penetrat: & quam adeptus, malignitatem impertitur. Ad ventriculum & intestina vectus cum suo inquinamento, ibi explicatur, lethiferos ventriculi & intestinorum morsus gignit; octavi paris lacessitis propaginibus, cardialgiæ, cum torminibus & syncope sunt sequaces. Affectus ex aëre prognatos qui numeraret, in dicendo esset infinitus. Purus licet aër, alimenta sincera, & potus sint innocui, non omni tamen temperamento indiscriminatim conveniunt. Certa & determinata in quolibet individuo solidi & fluidi datur proportio, ratione cujus exercentur functiones, hæc remperamentum dicitur.

Modus ille solidorum & fluidorum in omnibus regionibus à cœli temperie, ab alimentorum indole, & potuum qualitate pendet. Pro natali fibræ & solidi dispositione inest in quâlibet gente, & in quolibet individuo determinatum temperamentum: cuius respectu, aër subtilior aut crassior, calidior, aut frigidior, temperatior, aut acrior, cibi leviores aut duriores, humectantes aut sicci, potus aquei simpliciter, aut inkrassantes, generosi aut spirituosi conveniunt.

I. I. I.

NON potest rerum institui comparatio, ni primùm generalis earum habeatur notitia; quamobrem quædam in genere de aëre, cibis, potibus, & temperamenti præmittere libuit. Hæc est tuta detegendæ veritatis via; eâ Duce quænam sit prædictarum rerum constitutio Parisiis, quæ *Gandavo* elicietur. Juxta vigesimum quintum latitudinis gradum sole irradiatur urbs Luteriæ Parisiorum, ad occursum sequanzæ & matronæ fluminum famâ celebrium condita, cœlo clemente beatur, fermè in Galliarum medio posita, inter cæteras urbes princeps assurgit. Statis tempestatum vicibus quasdam mutationes quisque annus infert, quandòque humidiores, sicciores, frigore rigidiores, & calore adustiores sunt tempestates. Inter carnes apud laniones emptas, ex generali omnium consensu, Sapidior & Tenerior Bovina. Volatilia & quadrupedes sive domûs, sive ruris, sive sylvarum incolæ ibi inter escas frequentius apponuntur. Legumina, radices, plantæ sativæ, fructus omnes præcipuè horæi tantumdem palato arripent, quantum ventriculo favent; horum solutionem optimè promovent fluvii indigena pocula; Digestionem Generosa & grata Burgundiæ, adjacentiumque provinciarum, quin & quædam in Parisiensi suburbano agro vina ad solis aspectus enascentia & collecta blandè juvant. In hisce alimentis, & potibus tum à terræ naturâ, tum à solis calido & benefico aspectu insit vigor. Natio & felici principiorum connabio in sanguinem sales fixi volatiles, sulphura crassiori terræ nexu soluta transfunduntur. Hinc sanguinis fluiditas, succi nervei mobilitas, nutritii dulcedo, bilis activitas, perindè constans & vegetus solidorum elater deducuntur. Vini vehiculum sequana, suo sale neutro licet paucissimo diluit, aperit, refrigerat, & laxat. Quæ in alimento & potu clementia insita est, eadem in Parisiensium temperamento, inclinationibus, & moribus elucet. Non proceræ sed concinnæ sunt staturæ, tenuis est ossium compages, non crassis adeò tendineisque donantur fibris, ac septentrionalium plagarum incolæ, nec cœli inclementis laborumque asperitatibus ferendis ita idoneos esse existimes. Eis inest membrorum levitas, flexilitas, agilitas, & dexteritas: vivida imaginatio, expedita memoria, promptus sermo, &c. Ab aëris, alimentorum & potuum indole, mores & temperamenta evolvuntur. Idcirco in quantum aër & victus *Gandavensis* ad norman *Parisensis* effectus est in tantum ipsismet *Parisensibus* conducere ex sequentibus Disce.

I. V.

GANDAVUM Civitas situ munitissima, inter maximas Europæ urbes jurè numeratur. Tanta est urbis amplitudo, ut tria Germanica in ambitu miliaria continere à multis dicatur. Quatuor fluviorum Scheldis, Lisæ, Liviæ, & Moræ adventu & confluxu spectabilis. Pontes octoginta habet. Aërius tractus humidus, nubibus continuò fermè velatur, pauci sunt lucidi dies, Aquarum frequentia.

4
& paludibus in auras attolluntur vapores qui aërem gravant, noxii in terram præcipites ruunt. Pluviarum crebritati sanitatis tutelam Medici quibus publica *Gandavensium* salus committitur, tribuunt. Bovina caro sine sapore pinguis, vitulina albedine, teneritudine, voluptuaria est esca. Oyilla gustu gratissima est. Aves & quadripedes in comitatu Flandriæ non degeneres; cum *Lutitiâ* multitudine, & excellentiâ piscium omnis generis certat *Gandavum*: sua laudat legumina, radices, herbasque suas. Familiaris in Comitatu Flandriæ, & Brabantia Ducatu cerevisia à cerere, seu vinum hordeatum; unicus est apud Plebeios potus. Divites verò quibus Lautius vivere placet sub finem cuiusque mensæ vini albi Andegavenfis aut Turonensis quod apud Belgicos populos denegatum cyathos aliquot ebibunt. Suam Cerevisiam conficit urbs quoque & prædicat: quædam generosa apud *Gandavorum* nonnullos ad plures annos servatur, eaque infirmis & valetudinariis tanquam reficiendi capax antidotum in munus habetur & præbetur. Est & tenuis cerevisia quæ humectans credita pro potu instar ptysanæ agris conceditur. His subditis modis *Gandavensis* aër & victus Parisiensibus convenit.

V.

NUNC assertionis nostræ veritas facillè eruitur. Equidem in utràque tum *Parisiorum*, tum *Gandavi* regione eadem fermè tempestatum vicissitudo, nec temperiei ratione multum inter eas discriminis: in eò solùm modo, quod *Parisii* intensiores, *Gandâ* remissiores sint, calores, discrepant. Utrobique hyemis tempore frigus, neutrobique urgentius distinguitur. Veris & Autumni par amœnitas. Duo & amplius quid latitudinis gradus non multum solis benignitatem minuunt aut mutant. Aërem in Belgio Austriaco mitigavit natura; alimenta & potus emendavit ars; his innoxie ulterius uti posse Parisienses, probat temperamentorum proportio. Ex dictis patet quantus aëris & victus *Gandavensis* cum aëre & victu Parisiensi consensus, quanta morum, inclinationum, & temperamentorum sit conspiratio. Huc itaque vos Parisienses accedite, si in suavissimam regionem peregrinari sit mens. Urbs *Gandavensis* nostrique *Gandavensis* vobis placebunt.

Ergo aër & victus Gandavensis, Parisiensibus.

Proponerebat Parisiis, DIONYSIUS-PAUTIER DE LABREUILLE:
Inculisemensis, Saluberrimæ Facultatis Medicinæ Parisiensis Baccalaureus
Medicus, A. R. S. H. 1745, à sextâ ad meridiem,